

四庫全書

集部

欽定四庫全書

李太白集分類補註卷十三

宋 楊齊賢 集註

元 蕭士贇 補註

寄 二十五首

安陸白兆山桃花岫寄劉侍御綰

一作春歸桃花岫貽許侍

御

雲臥三十年好閒復愛仙蓬壺雖冥絕鸞鶴心悠然歸

來桃花出得憩雲窓眠對嶺人共語飲潭猿相連時昇
翠微上邈若羅浮巔兩岑抱東壑一嶂橫西天樹雜日
易隱崖傾月難圓芳草換野色飛蘿搖春烟入遠構石
室選幽開山田獨此林下意杳無區中緣永辭霜臺客
千載方來旋

齊賢曰桃花出在安陸爾雅山未及上曰
翠微疏曰未及頂上在傍坡陀處名翠微

一云山氣青

蒼色曰翠微

淮南臥病書懷寄蜀中趙徵君蕤

吳會一浮雲飄如遠行客功業莫從就歲光屢奔迫良

圖俄棄捐衰疾乃綿劇古琴藏虛匣長劍挂空壁楚冠
懷鍾儀越吟比莊舄國門遙天外鄉路遠山隔朝憶相
如臺夜夢子雲宅旅情初結緝秋氣方寂歷風入松下
清露出草間白故人不可見幽夢誰與適寄書西飛鴻
贈爾慰離析

齊賢曰左傳晉侯見鍾儀問之曰南冠而縶者誰也對曰鄭人所獻楚囚也使稅之

陳軫傳越人莊舄仕楚執珪有頃而病王使人聽之猶尚越聲相如琴臺在成都浣溪海安寺

寄弄月溪吳山人

嘗聞龐德公家住洞湖水終身棲鹿門不入襄陽市夫

君弄明月滅景清淮裏高蹤邈難追可與古人比清揚

杳莫覩白雲空望美待號辭人間攜手訪松子

齊賢曰後漢逸

民傳龐公南郡襄陽人居峴山之南未嘗入城府劉表數延請不能屈後攜妻子登鹿門山因採藥不返襄陽記鹿門山舊名蘇嶺山建武中習郁立神祠於山刻二石鹿夾神道口俗呼鹿門廟因以名山

秋山寄衛尉張卿及王徵君

會稽

何以折相贈白花青桂枝月華若夜雪見此令人思雖

然剡溪興不異山陰時明發懷二子空吟招隱詩

齊賢曰郭

璞曰桂白花常生

山峯冬夏常青

望終南山寄紫閣隱者

長安

出門見南山引領意無限
秀色難為名蒼翠日在眼
有時白雲起天際自舒卷
心中與之然託興每不淺
何當

造幽人滅跡棲絕巘

山峯

夕霽杜陵登樓寄韋繇

浮陽滅霽景萬物生秋容
登樓送遠目伏檻觀羣峯
原野曠超緬關河紛雜重
清暉映竹日翠色明雲松
蹈海寄遐想還山迷舊蹤
徒然迫晚暮未果諧心曾
結桂空

佇立折麻恨莫從思君達永夜長樂聞疎鐘

齊賢曰漢五年治長

樂宮

秋夜宿龍門香山寺奉寄王方城十七丈奉國

營上人從弟幼成令問

洛陽

朝發汝海東暮棲龍門中水寒夕波急木落秋山空望
極九霄迴賞幽萬壑通目皓沙上月心清松下風玉斗
橫網戶銀河耿花宮興在趣方逸歡餘情未終鳳駕憶
王子虎溪懷遠公桂枝坐銷歇棣花不復同流恨寄伊

水盈盈焉可窮

齊賢曰水經汝水出河南梁縣河南縣有龍門山

春日獨坐寄鄭明府

驚麥青青遊子悲河堤弱柳鬱金枝長條一拂春風去

盡日飄揚無定時我在河南別離久那堪坐此對窓牖

情人道來竟不來何人共醉新豐酒

齊賢曰鬱金似薑黃言柳枝似鬱金

之黃耳新

豐事見前

寄淮南友

紅顏悲舊國青歲歇芳洲不待金門詔空持寶劍遊海

雲迷驛道江月隱鄉樓復作淮南客因逢桂樹留

齊賢曰青

歲猶言

青春也

沙丘城下寄杜甫

我來竟何事高臥沙丘城城邊有古樹日夕連秋聲魯

酒不可醉齊歌空復情思君若汶水浩蕩寄南征

齊賢曰趙

沙丘宮在鉅鹿此沙丘在魯汶水在魯汝陽縣

聞丹丘子於城北營石門幽居中有高鳳遺跡

僕離羣遠懷亦有棲遁之志因叙舊以寄之

春華滄江月秋色碧海雲離居盈寒暑對此長思君思
君楚水南望君淮山北夢魂雖飛來會面不可得疇昔
在嵩陽同衾臥羲皇綠蘿笑簪紒丹壑賤巖廊晚途各
分析乘興任所適僕在雁門關君為峨眉客心懸萬里
外影滯兩鄉隔長劍復歸來相逢洛陽陌陌上何喧喧
都令心意煩迷津覺路失託勢隨風翻以茲謝朝列長
嘯歸故園

齊賢曰雁門關
峨眉山並見前

故園恣閒逸求古散縹緲久

欲入名山婚娶殊未畢人生信多故世事豈惟一念此

憂如焚悵然若有失聞君臥石門宿昔契彌敦方從桂
樹隱不羨桃花源高風起遐曠幽人跡復存松風清瑤
瑟溪月湛芳樽安居偶佳賞丹心期此論

齊賢曰高士傳尚長字子

平隱不仕為子嫁娶畢勅家事斷之勿復相關毛詩憂心如焚幽人高風也

淮陰書懷寄王宗城

再至淮南作王宗成

沙墩至梁苑二十五長亭大舶夾雙櫓中流鵝鵲鳴雲
天掃空碧川岳涵餘清飛鳧從西來適與佳興并眷言
王喬烏婉孌故人情

齊賢曰沙苑縣在同州南梁苑事見前呂居仁語錄太白詩如沙墩

至梁苑二十五長亭之類皆氣
蓋一世熟味之自不偏淺矣

復此懿親會而增交道

榮沿洄且不定飄忽悵徂征暝投淮陰宿欣得漂母迎

斗酒熟黃雞一餐感素誠予為楚壯士不是魯諸生有

德必報之千金恥為輕緬書羈孤意遠寄棹歌聲

齊賢曰韓

信為楚王召所從食漂母賜千金召
辱已少年以為中尉曰此壯士也

聞王昌齡左遷龍標遙有此寄

楊花落盡子規啼聞道龍標過五溪我寄愁心與明月

隨風直到夜郎西

齊賢曰唐叙州本沅州有龍標縣武
陵有五溪曰雄溪滿溪酉溪沅溪辰

溪皆樂瓠子孫

夜郎縣隸漆州

寄王屋山人孟大融

我昔東海上勞山餐紫霞親見安期公食棗大如瓜
中年謁漢主不愜還歸家朱顏謝春暉白髮見生涯所期
就金液飛步風雲車願隨夫子天壇上閒與仙人掃落

花

齊賢曰金液丹法見前天壇在
王屋山張仙人之居在其南

憶舊遊寄譙郡元參軍

金陵

憶昔洛陽董糟丘為予天津橋南造酒樓黃金白璧買

歌笑一醉累月輕王侯海內賢豪青雲客就中與君心
莫逆迴山轉海不作難傾情倒意無所惜我向淮南攀
桂枝君留洛北愁夢思不忍別還相隨相隨迢迢訪仙
城三十六曲水迴縈一溪初入千花明萬壑度盡松風
聲

齊賢曰古詩云一笑
雙白璧再顧千金

銀鞍金絡倒平地漢東太守來

相迎紫陽之真人邀我吹玉笙餐霞樓上動仙樂嘈然
宛似鸞鳳鳴袖長管催欲輕舉漢中太守醉起舞手持
錦袍覆我身我醉橫眠枕其股當筵意氣凌九霄星離

雨散不終朝分飛楚關山水遙余既還山尋故巢君亦

歸家渡渭橋

齊賢曰唐隴州漢東郡周若內傳曰紫陽真人周義山字季通沙陰人漢丞相勃七

世孫常以旦日出面東嗽口服氣隨州紫陽先生有餐霞樓太白夕夜於餐霞樓送煙子元演隱仙城山序曰入神農之故鄉得胡公之精術胡公身揭日月心飛蓬萊起餐霞之孤樓鍊吸景之精氣延我數子高談混元金書玉訣盡在此矣白乃語及形勝紫陽因大誇仙城元侯聞之乘興將往樂書有玉磬玉鼓玉簫玉笛當亦有玉笙也荊州記其北有四關魯陽伊闕之屬也

君家嚴君勇貌虎作尹并州

遇戎虜五月相呼渡太行摧輪不道羊腸苦行來北京

歲月深感君貴義輕黃金瓊杯綺食青玉案使我醉飽

無歸心時時出向城西曲晉祠流水如碧玉浮舟弄水

簫鼓鳴微波龍鱗莎草綠

齊賢曰唐并州太原郡開元十一年升太原府太行山在

懷州河內縣呂氏春秋曰太行羊腸其山盤紆如羊腸楚漢春秋淮陰侯曰臣去項歸漢漢王賜臣玉紫之食

晉祠即臺胎祠也

興來攜妓恣經過其若楊花似雪何紅粧欲

醉宜斜日百尺清潭寫翠娥翠娥嬋娟初月輝美人更

唱舞羅衣清風吹歌入空去歌曲自繞行雲飛此時行

樂難再遇西遊因獻長楊賦北闕青雲不可期東山白

首還歸去

齊賢曰列子薛談學謳於秦青辭歸餞於交衢撫節悲歌聲振林木響遏行雲楊雄從上

至長楊射熊館還上長楊賦以諷士贊曰漢高帝紀蕭
何治未央宮立東闕北闕師古曰未央殿雖南嚮而上
書奏事謁見之徒皆詣北闕公車司
馬亦在北馬是則以北闕為正門

渭橋南頭一遇君

鄴臺之北又離羣問余別恨知多少落花春暮爭紛紛

言亦不可盡情亦不可極呼兒長跪緘此辭寄君千里

遙相憶

齊賢曰高陵縣在京兆府東北七十里有渭橋
鎮鄴唐惠州譙郡鄴縣也又漢南陽郡鄴縣蕭

何所
封

月夜江行寄崔員外宗之

飄飄江風起蕭颯海樹秋登艫美清夜挂席移輕舟月

隨碧山轉水合青天流杳如星河上但覺雲林幽歸路
方浩浩徂川去悠悠徒悲蕙草歇復聽菱歌愁岸曲迷

後浦沙明瞰前洲懷君不可見望遠增離憂

齊賢曰江賦舳舻相

屬注舳舻
尾舳船頭

宿白鷺洲寄楊江寧

朝別朱雀門暮棲白鷺洲波光搖海月星影入城樓望

美金陵宰如思瓊樹憂徒令魂入夢翻覺夜成秋綠水

解人意為余西北流因聲玉琴裏蕩漾寄君愁

齊賢曰朱雀門

建康南門又有朱雀橋賞心亭舊名二水亭其前曰白鷺亭在水西門城上史正志碑云秦淮源句容漂水兩山間自方山合流至建康貫城中而西以達於江秦淮於府之左分為二支一支入城一支繞城外共夾一洲曰白鷺即太白所謂二水中分白鷺洲者也續齊諧記王彥伯善琴至吳郵亭維舟中渚秉燭理琴見一女坐於東牀取琴調之乃楚光明曲遲明女取錦綉贈別彥伯以玉琴答之而去

新林浦阻風寄友人

一云金陵阻風雪書懷寄楊江寧齊賢曰謝元暉有

云宣城出新林浦向板橋浦驛善長水經三山入湘浦又北經新林浦水上南北結浮橋渡水故曰板橋浦

潮水定可信天風難與期清晨西北轉薄暮東南吹以

此難挂席佳期益相思

齊賢曰浙江潮候時刻皆不差見前

海月破圓影

菰蔣生綠池昨日北湖梅開花已滿枝今朝東門柳夾

道垂青絲

士贊曰說文雕菰一名蔣或作菰爾雅翼菰蔣生水中三年以上心中生孔如藕至秋如

小兒臂可蒸食其有黑點者名烏鬱即今焚也

歲物忽如此我來定幾時紛紛

江上雪草草客中悲明發新林浦空吟謝朓詩

齊賢曰謝元暉

之宣城出新林浦詩云天際識歸舟雲中辨江樹

寄韋南陵水余江上乘興訪之遇尋顏尚書笑

有此贈

南船正東風北船來自緩江上相逢借問君語笑未了
風吹斷聞君攜妓訪情人應為尚書不顧身堂上三千
珠履客甕中百斛金陵春恨我阻此樂淹留楚江濱月
色醉遠客山花開欲然春風狂殺人一日劇三年乘興
嫌太遲焚却子猷船夢見五柳枝已堪挂馬鞭何日到
彭澤長歌陶令前

齊賢曰尚書頗尚
書金陵春酒也

題情深樹寄象公

腸斷枝上猿淚添山下樽白虎見我去亦為我飛翻

齊賢

曰猿斷腸
事見前卷

北山獨酌寄韋六

巢父將許由未聞買山隱道存跡自高何憚去人近

齊賢

曰世說支遁就深公買印山
深公曰未聞巢父買山而隱

紛吾下茲嶺地閒喧亦泯

門橫羣岫開水鑿衆泉引屏高而在雲竇深莫能準川

光晝昏凝林氣夕淒繁於焉摘朱果兼得養玄牝坐月

觀寶書拂霜弄瑤軫傾壺事幽酌顧影還獨盡念君風

塵遊傲爾令自哂

士贇曰朱果者火衆之異名也老子
道德經曰谷神不死是謂玄牝玄牝

之門是謂天地根註曰不死之神在於玄牝玄天也於人為鼻牝地也於人為口口鼻之門乃通天地之元氣聽從往來

寄當塗趙少府炎

晚登高樓望木落雙江清寒山饒積翠秀色連州城目送楚雲盡心悲胡雁聲相思不可見迴首故人情

寄東魯二稚子

在金陵作

吳地桑葉綠吳蠶已三眠我家寄東魯誰種龜陰田春事已不及江行復茫然南風吹歸心飛墮酒樓前

齊賢曰荀

卿賦篇曰三俯三起事乃大已夫是謂之蠶理注俯為臥而不食乃三眠也左傳齊人來歸鄆謹龜陰田春事謂蠶農也廣記曰太白於任樓東一株桃枝葉拂青煙城縣造酒樓其居在酒樓前

此樹我所種別來向三年桃今與樓齊我行尚未旋嬌

女字平陽折花倚桃邊折花不見我淚下如流泉小兒

名伯禽與姊亦齊肩雙行桃樹下撫背復誰憐念此失

次第肝腸日憂煎裂素寫遠意因之汶陽川

齊賢曰白於任城造

酒樓日與同志荒宴其上少有醒者時邑人以白重名望其里而加敬

獨酌清溪江石上寄權昭夷

秋浦

我攜一樽酒獨上江祖石自從天地開更長幾千尺舉
杯向天笑天迴日西照永賴坐此石長垂嚴陵釣寄謝

山中人可與爾同調

齊賢曰池
州治秋浦

禪房懷友人岑倫

時南遊羅浮兼泛桂海自春
徂秋不返僕旅江外書情寄

之

嬋娟羅浮月搖艷桂水雲美人竟獨往而我安能羣一

朝語笑隔萬里懽情分沈吟綵霞沒夢寐羣芳歇歸鴻

渡三湘遊子在百粵邊塵染衣劍白日彫華髮

齊賢曰
漢地理

志王贊注自交趾至會稽七八千里百粵雜處各有種姓

春風變楚關秋聲落吳山

草木結悲緒風沙淒苦顏
竭來已永久顏思如循環飄
颻限江裔想像空留滯離憂
每醉心別淚徒盈袂坐愁

青天末出望黃雲蔽

齊賢曰淮南子曰黃泉之埃上為黃雲

目極何悠悠

梅花南嶺頭空長滅征鳥水
濶無還舟寶劍終難託金
囊非易求歸來儻有問桂樹
山之幽

齊賢曰楚辭云桂樹叢生兮山之幽

李太白集分類補註卷十三

欽定四庫全書

李太白集分類補註卷十四

宋 楊齊賢 集註

元 蕭士贇 補註

寄

廬山謠寄盧侍御虛舟

我本楚狂人鳳歌笑孔丘手持綠玉杖朝別黃鶴樓五
嶽尋仙不辭遠一生好入名山遊

齊賢曰論語楚狂接輿歌而過孔子曰鳳

欽定四庫全書

卷十四

兮鳳兮何德之衰漢制年七十者授以玉杖杖端以鳩為飾士贇曰論語正義曰接與楚人姓陸名通字接與佯狂不仕時人謂之楚狂也廬山秀出南斗傍屏風九疊雲錦張影

落明湖青黛光金闕前開二峯長銀河倒挂三石梁香爐瀑布遙相望迴崖沓嶂凌蒼蒼翠影紅霞映朝日鳥

飛不到吳天長

齊賢曰江州廬山以匡裕隱此而名高一千三百六十丈周回二百五十里其

山九疊川亦九派迷異記吳猛將弟子登廬山過石梁見一老坐桂樹下以玉杯承甘露與猛廬山記南北有瀑布無慮十餘處香爐峯與雙劍峯在瀑布之傍水源在山頂或曰西為康王谷水簾東為開元禪院之瀑布登高壯觀天地間大江茫茫去不還黃雲萬里動風色

白波九道流雪山好為廬山謠興因廬山發閒窺石鏡

清我心謝公行處蒼苔沒

齊賢曰潯陽記石鏡山東有一圓石懸崖明淨照人見形

謝公謝靈運也入彭蠡湖口詩曰攀崖照石鏡摩挲入松門

早服還丹無世情琴心

三疊道初成遙見仙人綵雲裏手把芙蓉朝玉京先期

汗漫九垓上願接盧敖遊太清

齊賢曰黃庭內景經三疊琴心化胎仙淮南子

若士謂盧敖曰吾與汗漫期于九垓之外又太清之治共和順以寂寞

下尋陽城汎彭蠡寄黃判官

浪動灌嬰井尋陽江上風開帆入天鏡直向彭湖東落

景轉疎雨晴雲散遠空名山發佳興清賞亦何窮石鏡

挂遙月香爐滅彩虹相思俱對此舉目與君同齊賢曰
寰宇記

漢高六年灌嬰開井年深湮塞孫權經此自標此地命
工鑿之正得此井有石銘曰潁陰侯開不滿三百年當
為應運者所開權以為已瑞江有風浪此水輒
自漂動土人呼為浪井今在城內彭湖即彭蠡

書情寄從弟邠州長史昭

自笑客行久我行定幾時綠楊已可折攀取最長枝
翩弄春色延佇寄相思誰言貴此物意願重瓊蕤昨夢
見惠連朝吟謝公詩東風引碧草不覺生華池臨翫忽

云夕杜鵑夜鳴悲懷君芳歲歇庭樹落紅滋

齊賢曰古詩庭中有

奇樹綠葉發華滋攀條折其榮將以
遠所思謝靈運夢思連事見前卷

寄王漢陽

南湖秋月白王宰夜相邀錦帳郎官醉羅衣舞女嬌笛

聲喧沔鄂歌曲上雲霄別後空愁我相思一水遙

齊賢曰漢

儀郎官給錦帳繡被隋
大業中改沔口為沔州

春日歸山寄孟浩然

朱紱遺塵境青山謁梵筵金繩開覺路寶筏度迷川嶺

樹攢飛栢岳花覆谷泉塔形標海月樓勢出江煙香氣
三天下鐘聲萬壑連荷秋珠已滿松密蓋初圓鳥聚疑
聞法龍參若護禪愧非流水韻叨入伯牙絃齊賢曰法
華經云黃
金為繩以界入道列子曰伯牙鼓琴志在流水鍾子期
曰善哉洋洋兮若江河士贇曰方言韓謂之筏編竹木
浮河以運物南上名韓北土名筏博經六祖得衣鉢五
祖送六祖上船云只合吾度汝六祖答云迷時師度悟
了自度道經三天者清
微天禹餘天太赤天也

流夜郎永華寺寄潯陽羣官

朝別凌煙樓暝投永華寺賢豪滿行舟賓散予獨醉願

結九江流添成萬行淚寫意寄廬嶽何當來此地天命

有所懸安得苦愁思

齊賢曰太宗貞觀十七年二月圖功臣于凌煙閣唐江州潯陽郡本

九江
郡

流夜郎至西塞驛寄裴隱

揚帆借天風水驛苦不緩平明及西塞已先投沙伴迴

巖引羣峯橫蹙楚山斷

齊賢曰西塞山在鄂州

砮

披永切

衝萬壑會

震沓百川滿龍怪潛溟波候時救炎旱我行望雷雨安
得沾枯散鳥去天路長人愁春光短空將澤畔吟寄爾

江南管

齊賢曰硤水
激岩之聲

自漢陽病酒歸寄王明府

去歲左遷夜郎道琉璃硯水長枯槁
今歲勅放巫山陽蛟龍筆翰生輝光
聖主還聽子虛賦相如却與論文章
願掃鸚鵡洲與君醉百場嘯起白雲飛
七澤歌吟淥水動三湘莫惜連船沽美酒
千金一擲買春芳

齊賢曰師古曰降扶

為左遷巫山縣在夔東鸚鵡洲七澤淥水曲三湘並見前

望漢陽柳色寄王宰

漢陽江上柳望客引東枝樹樹花如雪紛紛亂若絲春

風傳我意草木別前知寄謝弦歌宰西來定未遲

士贊
日師

古曰紛紛
雜亂也

江夏寄漢陽輔錄事

誰道此水廣狹如一匹練江夏黃鶴樓青山漢陽縣大
語猶可聞故人難可見君草陳琳檄我書魯連箭報國

有壯心龍顏不迴眷

齊賢曰唐郢州江夏郡治江夏縣
黃鶴樓在郡城之東南與漢陽縣

大別山相望止隔一水陳琳為袁紹檄
豫州又為曹操檄魯連書箭見二卷註

西飛精衛鳥東

海何由填鼓角徒悲鳴樓船習征戰抽劒步霜月夜行
空庭偏長呼結浮雲埋沒顧榮扇他日觀軍容投壺接
高宴齊賢曰精衛填海事見前晉廣陵相陳敏文以顧榮為丹陽內史榮潛謀攻敏敏不復濟榮以羽扇麾之其衆潰散唐有觀軍容使東漢書榮遵為將軍對酒設樂必雅歌投壺

早春寄王漢陽

聞道春還未相識走傍寒梅訪消息昨夜東風入武陽
陌頭楊柳黃金色碧水浩浩雲茫茫美人不來空斷腸
預拂青山一片石與君連日醉壺觴

江上寄巴東故人

漢水波浪遠巫山雲雨飛東風吹客夢西落此中時覺
後思白帝佳人與我違瞿塘饒賈客音信莫令稀

齊賢曰白

帝城在舊夔州瞿塘關山上下瞰滌瀨堆

江上寄元六林宗

霜落江始寒楓葉綠未脫客行悲清秋永路苦不達滄
波眇川汜

音似

白日隱天末停棹依林巖驚猿相叫聒夜

分河漢轉起視溟漲闊涼風何蕭蕭流水鳴活活浦沙

淨如洗海月明可掇蘭交空懷思瓊樹詎解渴勗哉滄洲心歲晚庶不奪幽賞頗自得興遠與誰豁

寄從弟宣州長史昭

爾佐宣州郡守官清且閒常誇雲月好邀我敬亭山五落洞庭葉三江遊未還相思不可見歎息損朱顏

齊賢曰唐

百官志上州刺史一人從三品別駕一人從四品下長史二人從五品則長史州佐也敬亭山及三江並見前

涇溪東亭寄鄭少府諤

宣城

我遊東亭不見君沙上行將白鷺羣白鷺行時散飛去

又如雪點青山雲欲往涇溪不辭遠龍門感波虎眼轉

杜鵑花開春已闌歸向陵陽釣魚晚

齊賢曰東亭在宣州郡國圖云涇縣

在宣州西一百五里潤州鶴林寺杜鵑花高丈餘貞元中有僧自天台移植之九域志宣州有陵陽山乃仙人

陵陽竇子明釣得白龍故之地

宣州九日聞崔四侍御與宇文太守遊敬亭余

時登響山不同此賞醉後寄崔侍御二首

九日茱萸熟插鬢傷早白登高望山海滿目悲古昔遠

訪投沙人因為逃名客故交竟誰在獨有崔亭伯

齊賢曰風

土記云俗於九月九日折茱萸房以插頭言辟邪惡續齊諧記桓景隨費長房行數年長房忽謂曰九月九日汝家當有大災可速去令家人作絳囊盛茱萸繫臂登高以飲菊花酒此禍可消景如其言舉家登高夕還見牛羊雞犬皆暴死崔駰字季伯涿郡安平人為黃憲主簿憲不能容出為長岑長駰自以遠去不得意遂不之歸而

重陽不相知載酒任所適手持一枝菊調笑二千

石日暮岸幘歸傳呼臨阡陌彤檐雙白鹿賓從何輝赫

夫子在其間遂成雲霄隔

齊賢曰漢太史公秩二千石

良辰與美景兩

地方虛擲晚從南峯歸蘿月下水壁却登郡樓望松色

寒轉碧咫尺不可親棄我如遺鳥

齊賢曰謝靈運曰良辰美景賞心樂事四

者難
并

其二

九卿天上落五馬道傍來列戟朱門曉褰帷碧帳開登
高望遠海召客得英才紫綬歡情洽黃花逸興催山從
圖上見溪即鏡中迴遙羨重陽作應過戲馬臺

齊賢曰賈璣為

冀州刺史之部升車曰刺史當遠視廣覺何反垂帷震
以自掩命御者褰之劉裕在彭城九月九日登項羽戲
馬臺至今相承以為故事士贇
曰隋書志三品以上門皆列戟

寄崔侍御

宛溪霜夜聽猿愁去國長如不繫舟獨憐一鴈飛南海

却羨雙溪解北流

齊賢曰宣州南陵縣有宛陵澗即宛溪

高人屢解陳蕃

榻過客難登謝眺舟此處別離同落葉朝朝分散敬亭

秋

齊賢曰陳蕃為豫章守不接賓客唯徐孺來特設一榻去則懸之

涇溪南藍山下有落星潭可以卜築余泊舟石

上寄何判官昌浩

藍岑聳天壁突兀如鯨額奔蹙橫澄潭勢吞落星石沙帶秋月明水搖寒山碧佳境宜緩棹清輝能留客恨君

阻歡遊使我自驚惕所期俱卜築結茅鍊金液

齊賢曰
藍岑隸

涇縣去宣州
西一百里

早過漆林渡寄萬巨

西經大藍山南來漆林渡水色倒空青
林煙橫積素漏流昔吞翕沓浪競奔注
潭落天上星龍開水中霧嶢巖注公柵
突兀陳焦墓嶺峭紛上千川明屢迴顧
因思萬夫子解渴同瓊樹何日覩清光
相歡詠佳句

齊賢曰大
藍山即前

藍岑也李陵詩思得瓊樹枝以解長
饑渴士贇曰毛詩箋曰回首曰顧

遊敬亭寄崔侍御

一本作登古城望
府中寄崔侍御

我家敬亭下，輒繼謝公作。相去數百年，風期宛如昨。登

高素秋月，下望青山郭。俯視鴛鴦羣，飲啄自鳴躍。

齊賢曰：謝

玄暉敬亭山寺云：茲山亘萬里，合沓與雲齊。隱淪既已託，靈異俱然棲。上干蔽白日，下矚帶迴溪。

夫子

雖蹭蹬瑤臺雪中鶴，獨立窺浮雲。其心在寥廓，時來顧我笑。一飯葵與藿，世路如秋風。相逢盡蕭索，腰間玉具

劍意許無遺。諾壯士不可輕，相期在雲閣。

齊賢曰：蹭蹬失勢之貌。寥

深也。廓空也。本草：鳧葵，美食，即荇菜也。

三山望金陵寄殷淑

三山懷謝眺水澹望長安蕪沒河陽縣秋江正此看盧

龍霜氣冷鳩鵲月光寒耿耿憶瓊樹天涯寄一懽

齊賢曰丹

陽記江寧北十二里濱江有三山相接即名三山謝玄暉晚登三山還望京邑唐平州北平郡治盧龍縣鳩鵲觀在雲陽甘泉宮外

自金陵泝流過白壁山翫月達天門寄句容王

主簿

滄江泝流歸白壁見秋月秋月照白壁皓如山陰雪幽

人停宵征賈客忘早發進帆天門山回首牛渚沒川長
信風來日出宿霧歇故人在咫尺新賞成胡越寄君青
蘭花惠好庶不絕

齊賢曰郡國志天門亦曰峨眉山東西隔江相對如門地志北望梁山

寄上吳王三首

淮王愛八公攜手綠雲中小子忝枝葉亦攀丹桂叢謬
以詞賦重而將枚馬同何日背淮水東之觀土風

齊賢曰淮

南八公及梁枚馬事並見前太白與聖
皇帝九世孫與唐同出故云忝枝葉

其二

坐嘯廬江靜閒進玉觴去時無一物東壁挂胡牀齊賢

曰廬州廬江郡魏裴替為宛州時嘗作一胡牀及其去世留以為挂

其三

英明廬江守聲譽廣平籍灑掃黃金臺招邀青雲客客

曾與天通出入清禁中裏王憐宋玉願入蘭臺宮齊賢曰謝

眺詩廣平聽方籍註鄭玄為中郎會廣平太守缺宣帝謂玄曰賢叔垂稱於平陽故後相屈黃金臺事見前



李太白集分類補註卷十四

欽定四庫全書

集部

李太白集分類補註卷十五

至

詳校官侍郎

臣謝墉

檢討臣何思鈞覆勘

總校官編修

臣

王燕緒

校對官學正

臣

翁樹棠

謄錄監生

臣

張泰

欽定四庫全書

李太白集分類補註卷十五

宋

楊齊賢集註

元

蕭士贇補註

留別

秋日魯郡堯祠亭上宴別杜補闕范侍御

我覺秋興逸誰云秋興悲
山將落日去水與晴空宜
魯酒白玉壺送行駐金羈
歌鞍憩古木解帶挂橫枝
歌鼓

川上亭曲度神飈吹

一本無此兩句却添南歌憶郢客東囁見齊姬清波忽淡蕩白雪紛

遠遙一隅范杜遊此權各棄遺三韻

雲歸碧海夕鴈沒青天時相失各萬

里茫然空爾思

齊賢曰十洲記碧海在東海中

別魯頌

誰道泰山高下却魯連節誰云秦軍衆推却魯連舌獨

立天地間清風掃蘭雪夫子還倜儻攻文繼前烈錯落

石上松無為秋霜折贈言鏤寶刀千歲庶不滅

士贊曰魯仲連

事見前卷

別中都明府兄

吾兄詩酒繼陶君試宰中都天下聞東樓喜奉連枝會
南陌愁為落葉分城隅綠水明秋日海上青山隔暮雲

取醉不辭留夜月鴈行中斷惜離羣

齊賢曰陶君指淵明唐中都縣隸鄆

州禮記兄之齒鴈行之

夢遊天姥吟留別

一作別東魯諸公

海客談瀛洲煙濤微茫信難求越人語天姥雲霓明滅
或可覩天姥連天向天橫勢拔五嶽掩赤城天台四萬

八千丈對此欲倒東南傾我欲因之夢吳越一夜飛度

鏡湖月

齊賢曰瀛洲事見前處州麗水縣有天姥山與括蒼山相連石壁上有字高不可識春月則聞

簫鼓笳吹四蕃志天台山高
一萬八千丈周圍八百里

湖月照我影送我至剡溪

謝公宿處今尚在淥水蕩漾清猿啼脚著謝公屐身登

青雲梯半壁見海日空中聞天雞

齊賢曰謝靈運移籍會稽修營舊業傍山

帶江盡幽居之美尋山陟嶺嘗著木屐士贇曰剡溪即
剡中玄中記桃都山有大樹曰桃都枝相去三千里上
有天雞日初出照此木天雞即鳴天下雞皆隨之

千巖萬轉路不定迷花倚石

忽已暝熊咆龍吟殷巖泉慄深林兮驚層巔雲青青兮

欲雨水澹澹兮生煙

齊賢曰世說顧長康從會稽還云千岩競秀萬壑爭流

列缺

霹靂丘巒崩摧洞天石扇訇然中開青冥浩蕩不見底

日月照耀金銀臺

齊賢曰唐貞觀中華陰雲臺觀法師隨長公弼行三千里援蘿攀葛至一

石壁削成高千餘仞下臨無底之谷一徑闊數寸法師隨公弼側足而立公弼乃以指扣石壁中有人問曰為誰對曰某遂劃然開一門中有天地日月霓為衣兮風

法師隨公弼入因闔門則又成石壁矣

霓為衣兮風

為馬雲之君兮紛紛而來下虎鼓瑟兮鸞回車仙之人

兮列如麻忽魂悸以魄動恍驚起而長嗟惟覺時之枕席

失向來之煙霞

齊賢曰說文悸心動也

世間行樂亦如此古來萬

事東流水別君去時何時還且放白鹿青崖間須行即騎訪名山安能摧眉折腰事權貴使我不得開心顏士贊

曰衛叔卿騎白鹿事見前集仙傳西王母遣使白虎之神乘白鹿集于黃帝之庭

留別曹南羣官之江南

我昔釣白龍放龍溪水傍道成本欲去揮手凌蒼蒼時來不關人談笑遊軒皇獻納少成事歸休辭建章齊賢曰陵

陽山竇子明釣龍得仙事見前

十年罷西笑覽鏡如秋霜閉劒琉璃匣

鍊丹紫翠房身佩豁落圖腰垂虎鞶囊仙人駕綵鳳志

在窮遐荒

齊賢曰桓子新論人有聞長安之樂則出門西向而笑神仙傳安期先生乘麒麟著朱玄

遠遊冠帶玉珮及虎頭鞶囊年二十許張老與妻劉氏赴蓬萊公騎一鳳餘騎鶴河東而去士贇曰集仙傳西王母所居宮闕在龜山有城九層玄室紫翠丹房左帶瑤池右環翠水

戀子四五人徘徊

未翱翔東流送白日驟歌蘭蕙芳仙宮兩無從人間久

摧藏范蠡說勾踐屈平去懷王飄飄紫霞心流浪憶江

鄉愁為萬里別復此一銜觴

齊賢曰范蠡事勾踐滅吳報會稽之恥為書辭勾踐

乃裝其輕寶珠玉自與其私徒屬乘舟浮海以行終不反越勾踐表會稽山為蠡奉邑屈平去懷王事見前

淮水帝王州金陵繞丹陽樓臺照海色衣馬搖川光及

此北望君相思淚成行朝雲落夢渚瑤草空高堂帝子

隔洞庭青楓滿瀟湘

齊賢曰夢渚雲夢之渚通典江陵縣有楚渚宮瀟湘洞庭帝子事見

前士贇曰按秦淮水在上元縣南秦始皇時望氣者言金陵有天子氣使朱衣鑿山為瀆以斷地脉改金陵為

林陵懷君路綿邈覽古情淒涼登岳眺百川杳然萬恨長

知戀峨眉去弄景偶騎羊

齊賢曰峨眉縣在喜州

留別于十一兄逖裴十三遊塞垣

太公渭川水李斯上蔡門釣周獵秦安黎元小魚鰓

子徇

且倫二切兔何足言天張雲卷有時節吾徒莫嘆牴觸藩于

公白首大梁野使人悵望何可論既知朱亥為壯士且
願束心秋毫裏秦趙虎爭血中原當去抱關救公子裴
生覽千古龍鸞炳文章悲吟雨雪動林木放書輟劒思
高堂勸爾一杯酒拂爾裘上霜爾為我楚舞吾為爾楚
歌且探虎穴向沙漠鳴鞭走馬凌黃河恥作易水別臨
岐淚滂沱

士贊曰太公李斯事見三卷魏狡兔易羝羊
觸藩羸其角侯羸見朱亥與無忌奪晉鄙兵

事見
前卷

留別王司馬嵩

魯連賣談笑豈是顧千金陶朱雖相越本有江湖心余

亦南陽子時為梁甫吟蒼山容偃蹇白日惜顏侵

士贊曰魯

仲連陶朱公諸葛亮梁甫吟事並見前

願一佐明主功成還舊林西來何

所為孤劍託知音鳥愛碧山遠魚遊滄海深呼鷹過上

蔡賣畚

蒲器以盛種者

向嵩岑他日閒相訪丘中有素琴

齊賢曰李

斯牽黃犬出上蔡東門事見前王猛家貧賤以鬻畚為生常貨畚於洛陽有一人貴買其畚無直可隨我取猛從忽至深山見一父老鬢髮皓然據胡牀而坐左右十人有一人引猛進拜父老曰王公何緣拜也乃十倍償

直遣人送出回顧乃一高山也

還山留別金門知己

好古笑流俗素聞賢達風方希佐明主長揖辭成功白日在青天迴光矚微躬恭承鳳凰詔歛起雲蘿中清切

紫霄迴優游丹禁通君王賜顏色聲價凌煙虹

齊賢曰鳳凰詔

已見前卷註

乘輿擁翠蓋扈從金城東寶馬驟絕景錦衣入

新豐倚巖望松雪對酒鳴絲桐方學揚子雲獻賦甘泉宮天書美片善清芬播無窮歸來入咸陽談笑皆王公

齊賢曰太白應制為樂章明皇嘗賜之錦袍新豐及子雲獻賦並見前

一朝去金馬飄落

成飛蓬賓友日疎散玉樽亦成空長才猶可倚不慚世上雄閒來東武吟曲盡情未終盡此謝知己扁舟尋釣

翁

齊賢曰鮑照東武吟詩東武太山下小山名

夜別張五

吾多張公子別酌酣高堂聽歌舞銀燭把酒輕羅裳橫
笛弄秋月琵琶彈陌桑龍泉解錦帶為爾傾千觴

齊賢曰推

手前曰琵琶引手却曰琵琶陌上桑曲名龍泉斂名

魏郡別蘇明府因北游

魏都接燕趙美女誇芙蓉淇水流碧玉舟車日奔衝青

樓夾兩岸萬室喧歌鐘天下稱豪貴遊此每相逢

齊賢曰魏

地與燕趙相接趙記曰女子盛飾冶容習絲竹長袖傾絕諸侯兩京新記卓文君臉際常若芙蓉毛詩衛淇澳言淇水之隈也齊書世祖於樓上施青漆世謂之青樓洛陽蘇季子劒戟森詞鋒

六印雖未佩軒車若飛龍黃金數百鎰白璧有幾雙散

盡空掉臂高歌賦還邛落魄乃如此何人不相從遠別

隔兩河雲山杳千重何時更杯酒再得論心胸

齊賢曰史記蘇

秦洛陽人字季子去游燕說燕文侯曰與趙從親於是資秦車馬金帛以行說趙趙肅侯乃飾車百乘黃金百

鑑白璧百雙錦綉千純以約諸侯於是說韓宣惠王魏襄王齊宣王楚威王於是六國合從而并力蘇秦為從約長并相六國北報趙行過洛陽車騎輜重擬於王者秦之昆弟妻嫂不敢仰視於是散千金以賜宗族朋友初秦之燕貸百錢為資及得富貴以百金償之偏報諸嘗見德者歸趙趙封為武安君乃投從約書於秦秦兵不敢闕函谷關十五年洛陽有邛山

留別西河劉少府

秋髮已種種所為竟無成閒傾魯壺酒笑對劉公榮謂

我是方朔人間落歲星白衣千萬乘何事去天庭

齊賢曰王

戎詣阮籍時劉公榮在坐阮謂王曰偶有二斗美酒當與君共飲彼公榮者無預焉二人交觴酬酢公榮不得

一杯而言笑談論三人無異或問之阮曰勝公榮者不
得不與飲不如公榮者不可不與飲唯公榮可不與飲
武帝問太史公知東
方朔是歲星事見前
君亦不得意高歌羨鴻冥世人若

醢雞安可識梅生雖為刀筆吏緬懷在赤城余亦如流
萍隨波樂休明自有兩少妾雙騎駿馬行東山春酒綠

歸隱謝浮名

齊賢曰醢雞甕中之蠅蠅
梅福為南昌尉後得仙

潁陽別元丹丘之淮陽

吾將元夫子異姓為天倫本無軒裳契素以煙霞親嘗
恨迫世網銘意俱未伸松栢雖寒苦羞逐桃李春悠悠

市朝間玉顏日緇磷所失重山岳所得輕埃塵

士贊曰穀梁傳

兄弟天倫也荀子曰桃李清榮於一時秋至而後殺至於松栢經隆冬而不凋蒙霜雪而不變可謂得其真矣

精魄漸蕪穢衰老相憑因我有錦囊訣可以持君身當

餐黃金藥去為紫陽賓萬事難並立百年猶崇晨別爾

東南去悠悠多悲辛前志庶不易遠途期所遵已矣歸

去來白雲飛天津

齊賢曰紫陽真人周義山字季通汝陰人常以平旦日出立東方而受氣

毛詩曾不崇朝箋云崇終也士贊曰晋天文志天漢從東方經尾箕之間謂之漢津乃分二道至天津下而合

南道乃西南行至七星南而沒

留別廣陵諸公

淮南一作留別邯鄲故人

憶昔作少年結交趙與燕金羈絡駿馬錦帶橫龍泉寸

心無疑事所向非徒然晚節覺此疎獵精草太玄空名

東壯士薄俗棄高賢

士贊曰師古曰晚節末時也

中迴聖明顧揮翰

凌雲煙騎虎不敢下攀龍忽墮天還家守清真孤潔勵

秋蟬鍊丹費火石採藥窮山川卧海不關人租稅遼東

田乘興忽復起棹歌溪中船臨醉謝葛強山公欲倒鞭

狂歌自此別垂釣滄浪前

齊賢曰聖明顧太白供奉翰林時士贊曰晉王羲之去官

與東土人士盡山水之遊又與道士許邁共修服採藥
石又許邁少不慕仕進偏遊名山採藥於桐廬之恒山
餌木
斷穀

廣陵贈別

金瓶沽美酒數里送君還繫馬垂楊下銜杯大道間天
邊看淥水海上見青山興罷各分袂何須別醉顏

感時留別從兄徐王延年從弟延陵

天籟何參差噫然大塊吹玄元包索籥紫氣何逶迤七
葉運皇化千齡光本支仙風生指樹大雅歌螽斯諸王若

鸞虬肅穆列藩維哲兄錫茅土聖代羅榮滋九卿領徐

方七步繼陳思

齊賢曰唐至肅宗凡七葉神仙傳老子之母適至李樹下而生老子生而能言

指李樹曰以此為我姓毛詩大雅云螽斯后妃子孫衆多也註螽斯蚣蝋也草木疏云幽州謂之春箕蝗類也

郭璞註方言云江表呼為蚱蜢虬龍無角者鸞神鳥五采毛詩板曰价人維藩太師維垣大邦維屏大宗維翰

懷德維寧宗子維城曹植封陳思王七步成詩云煮豆燃豆箕豆在釜中泣本是同根生相煎何太急士贇曰

玄元指老君也按唐史高宗乾封元年丙寅帝封岱岳駕至亳朝謁老君御製冊文上尊號曰玄元皇帝聖母

為先天太后元宗天寶七載戊子上老君尊號曰聖祖大道玄元皇帝十三載甲午二月癸酉帝朝宴太清宮

加上老君尊號曰太聖祖高上大道金闕玄元天皇大帝列仙傳老子西遊關令尹喜望見紫氣浮關老子果

乘青牛而過從望氣得之令尹喜周大夫也善於天文
登樓四望見東極有紫氣喜曰應有聖人過果見老子
過運命論註逵行貌爾雅曰穆穆肅肅敬也書禹貢
厥貢惟土五色註曰王者封五色土為社建諸侯則各
割其方色土與之使立社覆以黃土苴以白茅茅取其潔黃取王者覆四方

伊昔金盛日雄

豪動京師冠劔朝鳳闕樓船侍龍池鼓鐘出朱邸金翠

照丹墀君王一顧盼選色獻蛾眉列戟十八年未曾輒

遷移大臣小暗鳴謫竄天南垂長沙不足舞貝錦且成

詩齊賢曰唐室志唐元宗嘗潛龍于興慶宮及即位興
慶池嘗有一小龍出遊宮外御溝水中奇狀蜿蜒後

幸蜀前一夕其龍自池中御黃雲望西南去環列之士
卒共觀之及上至嘉陵江乘舟將渡見一小龍翼舟而

進上謂左右曰此吾興慶池中龍也命以酒沃酹上親
自祝之龍乃自水中振鬣而去史記曰諸侯朝天子於
天子之所立宅舍曰邸漢宮典職曰丹漆地故稱丹墀
毛詩萼兮斐兮成是貝錦士贇曰書東西垂註垂是遠
方之

名

佐郡浙江西病閒絕驅馳階軒日苔蘚鳥雀噪簷

帷時乘小肩輿出入畏人知北宅聊偃憩歡愉恤惇嫠
羞言梁苑地烜赫耀旌旗兄弟八九人吳秦各分離大
賢達機兆豈獨慮安危小子謝麟閣鴈行忝肩隨令弟

字延陵鳳毛出天姿清英神仙骨芬馥蒞蘭蕤

齊賢曰
佐郡長

史別駕也梁孝王築東苑得賜天子旌旗出從千乘萬
騎東西馳獵擬於天子曲禮曰五年以長則肩隨之謝

靈運子超宗有文辭帝嗟賞
嘗謂謝莊曰超宗殊有鳳毛

夢得春草句將非惠連誰

深心紫河車與我特相宜金膏猶罔象玉液尚磷緇伏

枕寄賓館宛同清漳湄藥物多見饋珍羞亦兼之誰道

溟渤深猶言淺恩慈鳴蟬遊子意促織念歸期

齊賢曰
夢得春

草句紫河車
並見前卷

驕陽何火赫海木爍龍龜百川盡凋枯舟

檝閣中達策馬搖涼月通宵出郊圻泣別目眷眷傷心

步遲遲願言保明德王室佇清夷摻袂何所道援毫投

此辭

齊賢曰爾雅
九達謂之達

別儲邕之剡中

借問剡中道東南指越鄉舟從廣陵去水入會稽長竹

色溪下綠荷花鏡裏香辭君向天姥拂石卧秋霜

齊賢曰唐

剡縣隸越州會稽郡揚州廣陵郡天姥山見前

留別金陵諸公

海水昔飛動三龍紛戰爭鍾山危波瀾傾側駭奔鯨黃

旗一掃蕩割壤開吳京六代更霸王遺跡見都城

齊賢曰鍾

山見前吳京金陵也士贇曰三龍魏蜀吳也

至今秦淮間禮樂秀羣英地扇

鄒魯學詩騰顏謝名五月金陵西祖余白下亭欲尋廬

峰頂先遶漢水行香爐紫煙滅瀑布落太清若攀星辰

去揮手緬含情

士贇曰文中子曰江東中國之舊土衣冠禮樂之所就也永嘉之後江東貴馬

史貨殖傳鄒魯俗好儒備於禮漢鄒陽傳鄒魯士以經學顏謝顏延之謝靈運惠連玄暉詩遠計皆先達鄭玄曰行者將行祖祓之祭也白下在上元縣西北廬峯即廬山也香爐峯在城北山南山北皆見其形圓聳常出

雲氣故名

口號

食出野田美酒臨遠水傾東流若未盡應見別離情

齊賢

曰呂氏春秋曰水
泉東流日夜不休

金陵酒肆留別

風吹

一作白門

柳花滿店香吳姬壓酒勸客嘗金陵子弟來

相送欲行不行各盡觴請君試問東流水別意與之誰

短長

齊賢曰白亭在今建康東門外士贇曰學者若不見古人用意處但得其皮毛所以去之便遠如風

吹柳花滿店香若人復能為此句亦未是太白至于吳姬壓酒勸客嘗壓酒字他人亦難及金陵子弟來相送欲行不行各盡觴盆不同請君試問東流水別意與之誰短長至此乃真太白妙處當潛心焉

金陵白下亭留別

驛亭三楊樹正當白下門吳煙暝長條漢水齧古根向

來送行處迴首阻笑言別後若見之為余一攀翻

齊賢曰唐

武德九年更金陵縣曰白下縣白下吳之故都

別東林寺僧

東林送客處月出白猿啼笑別廬山遠何煩過虎溪

齊賢

曰東林寺在廬山之南五里許與西林寺相鄰規制廣袤若一大縣水石深怪古跡無窮東林三門內有小渠名曰虎溪遠師送客未嘗過溪西林即永法師所居規制稍不及東林

竈夜郎於烏江留別宗十六璟

君家全盛日台鼎何陸離斬黿翼媯皇鍊石補天維一

迴日月顧三入鳳凰池失勢青門傍種瓜復幾時猶會

衆賓客三千光路歧皇恩雪憤懣松栢含榮滋

齊賢曰晉志在

天為三台在人為三公李善曰陸離參差衆貌許慎云美好貌青門乃長安霸城門漢書邵平故秦東陵侯秦破為布衣貧種瓜於長安城東美瓜故世俗謂之東陵瓜從邵平以為名也我非東牀人令

姊忝齊眉浪跡未出世空名動京師適遭雲羅解翻謫

夜郎悲拙妻莫邪劍及此二龍隨慙君湍波苦千里遠

從之白帝曉猿斷黃牛過客遲遙瞻明月峽西去益相

思齊

賢曰太白上安州裴長史書云楚有七澤遂來觀焉而許相公家見招妻以孫女便憩跡于此至移三

霜則題中所謂別宗十六者疑誤也莫耶二龍斂事及白帝城明月峽見前黃牛峽隸峽州白崖間有石如人形如牛形皆黃色有黃牛廟閱其碑或云土星見形也

留別龔處士

龔子棲閒地都無人世喧柳深陶令宅竹暗辟疆園我
去黃牛峽遙愁白帝猿贈君卷施草心斷竟何言

齊賢曰苑

草詩謂之卷耳
爾雅謂之苓耳

贈別鄭判官

竄逐勿復哀慙君問寒灰浮雲本無意吹落章華臺遠

別淚空盡長愁心已摧二年吟澤畔顚顚幾時迴

齊賢曰屈

原放遊江潭行吟澤畔
顏色顚顚形容枯槁

黃鶴樓送孟浩然之廣陵

故人西辭黃鶴樓煙花三月下揚州孤帆遠影碧空盡

唯見長江天際流

齊賢曰黃鶴樓在邠州

將遊衡岳過漢陽雙松亭留別族弟浮屠談皓

秦欺趙氏璧却入邯鄲宮本是楚家玉還來荆山中丹

彩瀉滄溟清輝凌白虹青蠅一相點流落此時同

齊賢曰蘭

相如全璧歸趙事見三卷邯鄲縣名屬趙國白虹天也士贇曰詩箋青蠅之為蟲汙白使黑汙黑使白喻佞人能變亂善惡也卓絕道門秀談玄乃支公延蘿結幽居翦竹繞

芳叢涼花拂戶牖天籟鳴虛空憶我初來時葡萄開景風今茲大火落秋葉黃梧桐水色夢沅湘長沙去何窮

寄書訪衡嶠但與南飛鴻

齊賢曰高逸沙門傳支遁居會稽晉哀帝欽其風采遣中

使至東迎支遁遂辭丘壑高步天庭風土記夏至景風至大火落七月也衡嶠衡嶽也

留別賈舍人至二首

大梁白雲起飄飄來南洲徘徊蒼梧野十見羅浮秋
鰲挾山海傾四溟揚洪流意欲託孤鴈從之摩天遊
鳳苦道路難翱翔還崑丘不肯銜我去哀鳴慙不留
齊賢曰歸藏啓
筮曰有白雲起自蒼梧入于大梁四溟者即四海也羅浮山及崑丘事見前

遠客謝主人明

珠難暗投拂拭倚天劍西登岳陽樓長嘯萬里風掃清

霄中憂誰念劉越石化為繞指柔

齊賢曰鄒陽曰明月之珠以暗投人於道

衆莫不按劍相視岳陽樓在岳陽城上正對君山劉越石詩何意百鍊剛化為繞指柔

其二

秋風吹胡霜凋此簷下芳折芳怨歲晚離別悽以傷謬
攀青瑣賢延我於此堂君為長沙客我獨之夜郎勸此
一杯酒豈惟道路長割珠兩分贈寸心久不忘何必兒
女仁相看淚成行

齊賢曰師古曰青瑣者刻為連瑣文而青塗也士贇曰青瑣天子之門制也

渡荆門送別

渡遠荆門外來從楚國遊山隨平野盡江入大荒流月
下飛天鏡雲生結海樓仍憐故鄉水萬里送行舟

齊賢曰荆

門軍有山名荆門蜀之諸山至此不復見矣成都有萬里橋士贊曰史天官書海傍蜃氣象樓臺曠野氣成宮闕

聞李太尉大舉秦兵百萬出征東南懦夫請纓
冀申一割之用半道病還留別金陵崔侍御十

九韻

秦出天下兵蹴踏燕趙傾黃河飲馬竭赤羽連天明太尉仗旄鉞雲騎繞彭城三軍授號令千里肅雷霆函谷絕飛鳥武關擁連營意在斬巨鼉何論鱣長鯨

齊賢曰關中皆

三秦之地漢百官公卿表太尉秦官應劭曰自上安下
曰尉武官悉以為稱尚書牧誓云王左杖黃鉞右秉白
旄唐徐州彭城郡治彭城縣唐書李光弼加太尉中書
令兼侍中河南副元帥知河南淮東西山南東荆南五
道節度行營事鎮泗州帝賦詩以餞遂疾驅入徐州朝
義走寶應元年進封臨淮郡王函谷在唐陝州靈寶縣
界桃林塞武關在商州商洛縣恨無左車略多愧魯連生拂劍照嚴霜

彫戈鬢

謨官切
長髮也

胡纓願雪會稽恥將期報恩榮半道謝

病還無因東南征亞夫未見顧劇孟阻先行天奪壯士

心長吁別吳京

齊賢曰漢書趙王陳餘聞漢且襲之聚
兵井陘口李左車說餘絕其糧道深溝

高壘勿與戰餘不聽韓信引兵出井陘口斬成安君泚
水上擒趙王歇構生得李左車者千金頃之縛至信解

其縛而師事之魯仲連
事見二卷吳京建康也

金陵遇太守倒屣相逢迎羣公

咸祖餞四座羅朝英初發臨滄觀醉棲征虜亭舊國見

秋月長江流寒聲帝車信迴轉河漢復縱橫孤鳳向西

海飛鴻辭北溟因之出寥廓揮手謝公卿

齊賢曰輿地志秣陵新亭

向有遠望樓又名勞勞樓後改名臨滄觀丹陽
記曰征虜亭太安中征虜將軍謝安立因名

別韋少府

西出蒼龍門南登白鹿原欲尋商山皓猶戀漢皇恩水

國遠行邁仙經深討論洗心向秋月清耳敬亭猿

齊賢曰商

山四皓
見前

築室在人境閉關無世喧多君枉高駕贈我以

微言交乃意氣合道因風雅存別離有相思瑤瑟與金

樽
齊賢曰師古曰多猶重也

南陵別兒童入京

白酒新熟山中歸黃雞啄黍秋正肥呼童烹雞酌白酒
兒女嬉笑牽人衣高歌取醉欲自慰起舞落日爭光輝
游說萬乘苦不早著鞭跨馬涉遠道會稽愚婦輕買臣
余亦辭家西入秦仰天大笑出門去我輩豈是蓬蒿人

齊賢曰朱買臣妻事見前

別山僧

涇縣作

何處名僧到水西
乘舟弄月宿涇溪
平明別我上山去
手攜金策踏雲梯
騰身轉覺三天近
舉足迴看萬嶺低
謔浪肯居支遁下
風流還與遠公齊
此度別離何日見

相思一夜暝猿啼

齊賢曰涇溪隸涇縣屬宣州支遁字道林遠法師居廬山東林寺士贇曰

道書自初一氣而分二氣是為三天一氣大羅天三氣清微天禹餘天太赤天即乙清上清太清之三境也

贈別王山人歸布山

王子析道論微言破秋毫還歸布山隱興入天雲高爾
去安可遲瑤草恐衰歇我心亦懷歸屢夢松上月傲然
遂獨往長嘯開巖扉林壑久已蕪石道生蒿穢願言弄
笙鶴歲晚來相依

齊賢曰山海經姑瑤之山帝女
死焉化為瑤草服之者媚於人

江夏別宋之悌

楚水清若空遙將碧海通人分千里外興在一杯中谷
鳥吟晴日江猿嘯晚風平生不下淚於此泣無窮

齊賢曰陸

羽曰楚水第一晉水第二吳水第三是謂三泉

李太白集分類補註卷十五

欽定四庫全書

李太白集分類補註卷十六

宋 楊齊賢 集註

元 蕭士贇 補註

送

南陽送客

斗酒勿為薄寸心貴不忘坐惜故人去偏令游子傷離
顏怨芳草春思結垂楊揮手再三別臨歧空斷腸

齊賢曰論

語久要不忘
平生之言

送張舍人之江東

張翰江東去正值秋風時天清一鴈遠海闊孤帆遲白

日行欲暮滄波杳難期吳洲如見月千里相思

齊賢曰張

翰事見
前卷

送王屋山人魏萬還王屋

并序

王屋山人魏萬云自嵩宋沿吳相訪數千里

不遇乘興游台越經永嘉觀謝公石門後於

廣陵相見美其愛文好古浪跡方外因述其

行而贈是詩

一作見王屋山人魏萬云自嵩
歷究游梁入吳計程三千里相

訪不遇因下江東尋諸名山往復百越後於
廣陵一面遂乘興共過金陵此公愛奇好古
獨出物表因述
其行遂有此詩

仙人東方生浩蕩弄雲海沛然乘天游獨往失所在魏

侯繼大名本家聊攝城卷舒入元化跡與古賢并

齊賢曰東

方朔曾弄紫泥之海見二卷杜預曰
聊攝齊西界平原聊縣東北有攝城

十三弄文史揮筆

如振綺辯折田巴生心齊魯連子西涉清洛源頗驚人

世喧采秀卧王屋因窺洞天門竭來游嵩峯羽客何雙

雙朝攜月光子暮宿玉女牕鬼谷上窺窕龍潭下奔淥

齊賢曰東方朔書曰年十三學書三冬文史足用唐王屋縣隸河南府有王屋山嵩山唐隸河南登封縣鬼谷先生晉平公時人隱居鬼谷因以為號先生姓王名剛蘇秦張儀從之學學成歸先生與一隻履化為犬以引二子即日到秦徐廣曰潁川陽城有鬼谷嵩山嵩陽觀西有龍潭士贇曰魯連子曰齊之辯者曰田巴辯於狙丘而議於稷下毀五帝罪三王一日而服千人有徐易弟子曰魯連謂客曰臣願當田子侯不敢復說於是往見而請曰今楚軍南趙伐高唐亡在朝夕今臣將罷南陽之師還高唐之兵所貴談說此之謂也如先生之言有似是者人皆惡之田巴於是杜口易葉終身不談淥音叢毛詩箋云水會也說文小水入大水

東浮

汴河水訪我三千里逸興滿吳雲飄飄淞江汜揮手杭

越間樟亭望潮還濤捲海門石雲橫天際山白馬走素

車雷奔駭心顏

齊賢曰浙江汜杭今之臨安浙之西越州今紹興府浙之東樟亭在焉

遙

聞會稽美且度耶溪水萬壑與千巖崢嶸鏡湖裏秀色

不可名清輝滿江城人游月邊去舟在空中行此中久

延佇入剡尋王許笑讀曹娥碑沈吟黃絹語天台連四

明日入向國清五峯轉月色百里行松聲靈溪谷沿越

華頂殊超忽石梁橫青天側足履半月

齊賢曰世說顧長康從會稽還

人問山川之美顧云千巖競秀萬壑爭奇耶溪見前許
邁移臨安入西山改名玄義子曹娥上虞人父時迎神
泳濤而上為水所淹不得尸娥年十四乃投瓜于江祝
父在此瓜當沉旬有七日瓜沉娥遂投江而死縣令度
尚為改葬作碑蔡邕過吳讀碑文以為詞藻絕倫因刻
石傍作八字云黃絹幼婦外孫養曰曹操與楊修共讀
之修先悟操行三十里方悟為絕妙好辭四字天台賦
云過靈溪而一躍僧惠虛姓東居天台國清寺與同侶
游山戲過石橋水峻苔滑懸流萬仞下不見底衆皆股
慄不行惠虛獨超然而過徑上石壁外微有小徑遂見
宮闕連亘十里許其門題曰會真府左曰金庭宮右曰
桐柏宮皆金樓玉牕高百餘尺孔靈符會稽記曰赤城
山有石峯然思永嘉不憚海路賒掛席歷海嶠迴瞻赤
橋懸度

城霞赤城漸微沒孤嶼前曉兀水續萬古流亭空千霜

月

齊賢曰唐溫州永嘉郡謝靈運出為永嘉守郡有名山水肆意游遨徧歷諸縣所至輒為詩詠以致其意

故有登臨海嶠諸作赤城霞會稽記曰赤城山山色皆赤狀似雲霞縉雲川谷難石門最

可觀瀑布掛北斗莫窮此水端噴壁灑素雪空濛生晝

寒却思惡溪去寧懼惡溪惡咆哮七十灘水石相噴薄

路創李北海巖開謝康樂松風和猿聲搜索連洞壑徑

出梅花橋雙溪納歸潮落帆金華岸赤松若可招

齊賢曰唐

處州縉雲縣謝靈運有登石門最高頂詩又靈運游名山志曰石門凡六處石門遡水上入兩山間兩邊石壁

右邊石巖下臨澗水南史褚伯玉錢塘人往剡居瀑布山麗水縣東十里有惡溪多水怪太白自註李邕昔為

括州開此嶺路又曰惡溪有謝康樂題詩處婺州金華縣有金華山金華有赤松澗人見赤松子安期先生於

此

沈約八詠樓城西孤宮窈窕四荒外曠望羣川會

雲卷天地開波連浙西大亂流新安口北指嚴光瀨釣

臺碧雲中邈與蒼嶺對稍稍來吳都徘徊上姑蘇烟綿

橫九疑潞

水大貌

蕩見五湖目極心更遠悲歌但長吁

齊賢

曰南史沈約字休文吳郡人為秦陽太守郡有沈約八詠樓又有新安江水至清淺詩蘇州吳郡治吳縣五湖即震澤見前士贇曰師古曰戎狄荒服故曰四荒言其恍惚去來無常也蒼嶺在台州仙居縣西北五十里高

五千

迴繞楚江濱揮策揚子津身著日本裘

裘則朝卿所贈日本

布為之 昂藏出風塵五月造我語知非佞人相逢樂無

限水石日在眼徒干五諸侯不致百金產吾友揚子雲
絃歌播清芬雖為江寧宰好與山公羣乘興但一行且
知我愛君君來幾何時仙臺應有期東牕綠玉樹定長
三五枝至今天壇人當笑爾歸遲我苦惜遠別茫然使
心悲黃河若不斷白首相思

齊賢曰日本去
京師萬四千里

送當塗趙少府赴長蘆

我來揚都市送客回輕舫因誇楚太子便覩廣陵濤山

尉趙家玉英風凌四豪維舟至長蘆目送烟雲高搖扇

對酒樓持袂把蟹螯前途儻相思登嶽一長謠

齊賢曰揚都揚

州士贊曰漢書游俠傳信陵平原孟嘗春申游諸侯者以四豪為稱首

送友人尋越中山水

聞道稽山去偏宜謝客才千巖泉灑落萬壑樹縈迴東
海橫秦望西陵遶越臺湖清霜鏡曉濤白雪山來八月

枚乘筆三吳張翰杯此中多逸興早晚向天台

齊賢曰會稽記

秦望山在州城正南史記始皇登之望南海西陵與浙江亭相對乃錢塘會稽津渡處晉張翰任心自適不求

當世或謂之曰卿縱不屑遇一時偏不為身後名邪答曰使我有身後名不如即時一杯酒天台山在合州士贇曰越臺即越王臺圖經云在種山今在卧龍之西

送族弟凝之滁求婚崔氏

與爾情不淺忘筌已得魚玉臺掛寶鏡持此意何如坦

腹東牀下由來志氣疎遙知向前路擲菓定盈車

齊賢曰莊

子筌者所以求魚也得魚而忘筌潘安仁至美每行老嫗以菓擲之滿車

送友人游梅湖

送君游梅湖應見梅花發有使寄我來無令紅芳歇暫

行新林浦定醉金陵月莫惜一鴈書音塵坐胡越

齊賢曰漢

書帝思蘇武使謂單于天子射上林得鴈足繫帛士贊曰陸凱與范曄相善自江南折梅花一枝寄長安與凱詩曰折梅逢驛使寄與隴頭人江南無所有聊贈一枝春

送崔十二游天竺寺

還聞天竺寺夢想懷東越每年海樹霜桂子落秋月送

君游此地已屬流芳歇待我來歲行相隨浮溟渤

齊賢曰錢

塘諸寺天竺最盛山有一門南北相望而上下兩天竺寺

送楊山人歸天台

客有思天台東行路超忽濤落浙江秋沙明浦陽月今
游方厭楚昨夢先歸越且盡秉燭歡無辭凌晨發我家
小阮賢剖竹赤城邊詩人多見重官燭未曾然興引登

山屐情催泛海船石橋如可度攜手弄雲烟

齊賢曰鄞長善水經

註云浦陽江水導源東陽縣而經上虞縣小阮乃籍兄
熙子咸也漢書已祇為揚州刺史在官不迎妻子夜與
士對坐暗中不然官燭謝靈運尋山陟嶺必造幽峻巖
嶂數十里莫不備盡登躡嘗着木屐上山則去其前齒
下山則去其後齒有
游赤城及望海詩

送溫處士歸黃山白鶴峯舊居

黃山四千仞三十六奇峯丹崖夾石柱菡萏金芙蓉伊

昔昇絕頂下窺天目松仙人煉藥處羽化留餘蹤

齊賢曰黃

山隸宣州圓經云黃帝與浮丘仙人鍊丹於此爾雅荷
芙蕖其華菡萏其實蓮其根藕天目山在臨安西五十
里高三千九百丈周回八百里乃神仙所居有三十六
峯太平寰宇記天山有兩湖若左右目故曰天目士贇
曰晉書許邁徧游名山採藥莫測所終好道者皆謂之羽化也

亦聞溫伯雪獨往今相

逢採秀辭五嶽攀巖歷萬重歸休白鵝嶺渴飲丹砂井

鳳吹我時來雲車爾當整去去陵陽東行行芳桂叢迴

溪十六度碧嶂盡晴空他日還相訪乘橋躡綵虹

齊賢曰白

鵲嶺在黃山莊子溫伯雪舍於魯仲尼見之而不言子路問仲尼曰夫人者目擊而道存矣

送方士趙叟之東平

長桑晚洞視五藏無全牛趙叟得秘訣還從方士游西

過獲麟臺為我弔孔丘念別復懷古潸然空淚流

齊賢曰莊

子庖丁曰始吾之解牛之時所見無非牛者三年之後未嘗見全牛也方今之時臣以神遇而不以目視獲麟臺在魯國西士贇曰史記扁鵲者渤海鄭人也姓秦氏名越人少時為人舍長舍客長桑君過扁鵲獨奇之嘗謹遇之長桑君亦知扁鵲非常人出入十餘年乃呼扁鵲私坐間與語曰我有禁方年老欲傳與公公母泄扁鵲曰敬諾乃出其懷中藥與扁鵲飲是以上池之水三十日當知物矣乃悉取其禁方書盡與扁鵲忽然不見

欽定四庫全書

李太白集分類補註

卷十六

八

殆非人也。扁鵲以其言飲藥三十日，視垣見一方人，以此視病，盡見五臟癥結，特以診脈為名耳。

送韓準、裴政、孔巢父還山

魯中

獵客張兔置，不能掛龍虎。所以青雲人，高歌在巖戶。韓生信英彥，裴子含清真。孔侯復秀出，俱與雲霞親。峻節

凌遠松，同衾卧盤石。斧冰漱寒泉，三子同二屐。

士贇曰：盤，大石。

也。時時或乘興，往往雲無心。出山揖牧伯，長嘯輕衣簪。

昨宵夢裏還，云弄竹溪月。今晨魯東門，帳飲與君別。雪

崖滑去馬，蘿徑迷歸人。相思若烟草，歷亂無冬春。

齊賢曰：尚。

書周官曰外有州牧侯伯陸機演連珠曰頓網探雲不能招龍振網羅雲不必招鳳是以巢箕之叟不盼丘園之阮洗耳之民不發傅巖之夢此詩首四句意出於此

送楊少府赴選

大國置衡鏡準平天地心羣賢無邪人朗鑒窮情深吾

君詠南風袞冕彈鳴琴時泰多美士京國會纓簪山苗

落磻底幽松出高岑

齊賢曰禮記舜作五絃之琴以歌南風士贇曰三禮圖袞冕垂白珠

十有二旒以組為纓色如綬鞋纁充耳玉簪導板黃金飾周制冕有組

夫子有盛才主司

得球琳流水非鄭曲前行遇知音衣工剪綺綉一悞傷

千金何惜刀尺餘不裁寒女衾我非彈冠者感別但開襟空谷無白駒賢人豈悲吟大道安棄物時來或招尋

爾見山吏部當應無陸沈

齊賢曰漢書王吉傳吉與貢禹為友世稱王陽在位貢公

彈冠言其取舍同也師古曰彈冠者言入仕也毛詩皎皎白駒在彼空谷山濤為吏部所甄拔人物各為題目時稱山公啟事莊子陸沈註人中隱者譬如無水而沉

對雪奉餞任城六父秩滿歸京

龍虎謝鞭策鵷鸞不司晨君看海上鶴何以籠中鵷獨用天地心浮雲乃吾身雖將簪組狎若與烟霞親

齊賢曰蔡

衡曰凡象鳳者有五多赤色者鳳多青色者鸞多黃色者鸞多紫色者鸞多白色者鵠此鳥多青乃鸞非鳳也

季父有英風白眉超常倫一官即夢寐脫屣歸西秦實

公敞華筵墨客盡來臻燕歌落胡鴈郢曲迴陽春征馬

百度嘶游車動行塵躊躇未忍去戀此四座人餞離駐

高駕惜別空慙慙何時竹林下更與步兵鄰

齊賢曰白眉陽春白

雪事並見前卷士贊

曰燕歌行古樂府名

魯郡堯祠送吳五之瑯琊

堯沒三千歲青松古廟存送行奠桂酒拜舞清心魂日

色促歸人連歌倒芳樽馬嘶俱醉起分手更何言

齊賢曰堯

州魯郡有堯廟士贊曰左傳心之精爽謂魂魄

魯郡堯祠送竇明府薄華還西京

時久病初起作

朝策犁眉騶舉鞭力不堪強扶愁疾向何處角巾微服

堯祠南長楊掃地不見日石門噴作金沙潭笑誇故人

指絕境山光水色青於藍

齊賢曰爾雅黃馬黑喙曰騶

廟中往往來

擊鼓堯本無心爾何苦門前長跪雙石人有女如花日

歌舞銀鞍繡轂往復迴簸林蹶石鳴風雷遠烟空翠時

明滅白鷗歷亂長飛雪紅泥亭子赤闌干碧流環轉青

錦湍深沉百丈洞海底那知不有蛟龍蟠

齊賢曰西京雜記晉靈公

家甚瑰壯四角以石人男女四十餘皆立侍

君不見綠珠潭水流東海綠珠

紅粉沈光彩綠珠樓下花滿園今日曾無一枝在昨夜

秋聲闐闐來洞庭水落騷人哀遂將三五少年輩登高

遠望形神開生前一笑輕九鼎魏武何悲銅雀臺

齊賢曰石

崇祿珠事見前卷魏志注建安十五年冬作銅雀臺士贊曰王褒四子講德論商歌下注曰商秋聲也淮南子

天大訓曰涼風至四十五日闐闐風至註云兌卦之風也

我歌白雲倚牕牖爾聞其

聲但揮手長風吹月度海來遙勸仙人一杯酒酒中樂
酣宵向分舉觴酌堯堯可聞何不令臯繇擁篲橫八極
直上青天揮浮雲高陽小飲真瑣瑣山公酩酊何如我
竹林七子去道賒蘭亭雄筆安足誇堯祠笑殺五湖水
至今憔悴空荷花爾向西秦我東越暫向瀛洲訪金闕
藍田太白若可期為余掃灑石上月

齊賢曰徐陵有白雲出嶠篇師古曰

昔所以掃也山公酩酊竹林七賢事見前王羲之蘭亭序曰永和九年歲在癸丑暮春之初會于會稽山陰之蘭亭東越會稽也漢志三神山上黃金銀為宮闕唐京兆府藍田縣世傳自古美玉多出藍田太白山在武功

縣南去長安三百里士
贊曰爾雅曰瑣瑣小也

金鄉送韋八之西京

客自長安來還歸長安去狂風吹我心西掛咸陽樹此

情不可道此別何時遇望望不見君連山起烟霧

齊賢曰漢

志長安縣高帝五年置惠帝元年初城六年成戶八萬
八百士贊曰太白此詩因別友而動懷君之思可謂身
在江湖心存
魏闕者矣

送薛九被讒去魯

宋人不辨玉魯賤東家丘我笑薛夫子胡為兩地游黃

金消衆口白壁竟難投梧桐生疾藜綠竹乏佳實鳳凰

宿誰家送與羣雞匹

齊賢曰宋人得燕石以為寶事見前魯人不知孔子以為是東家丘

顏師古曰美金見毀衆共疑之數被燒煉以至銷鑠又曰夜光之璧以闇投人於道莫不按劍相盼詩箋云鳳凰之性非梧桐不棲非竹實不食田家養老馬窮士歸其門蛾眉笑雙

音壁不者賓客去平原却斬美人首三千還駿奔

齊賢曰田

子方見老馬於道問其御者曰公家之畜罷而不用出而鬻之子方曰少盡其力老棄其身仁者不為也以束帛贖之史記平原君家樓臨民家民家有雙者樂散行汲平原君美人居樓上臨見大笑之明日雙者至門請曰臣不幸有罷癯之疾而君之後宮笑臣臣願得笑者頭平原君笑應曰諾雙者去君笑曰此豎子乃欲以一

笑之故殺吾美人不亦甚乎居歲餘賓客稍稍引去平原君怪之門下一人前曰以君之不殺笑嬖者以君為愛色而賤士即去耳於是君乃殺笑嬖者美人頭自造門謝焉門下乃復稍稍來

毛公一挺劍

楚趙兩相存

齊賢曰史秦圖邯鄲趙使平原君求救合從於楚約與食客文武備者二十人偕得

十九人餘無可取者有毛遂自薦曰願備員而行平原君與楚合從言其利害日出而言之日中不決毛遂按劍歷階而上曰白起小賢子耳率數萬之衆與楚國戰一戰而舉鄢郢再戰而燒夷陵三戰而辱王之先人此百世之怨而趙之所羞而王不知惡合從者為楚非為趙也楚王曰唯唯謹奉社稷以從遂謂楚王之左右曰取雞狗馬之血來遂奉銅盤而跪進之楚王曰王當歃血定從次者吾君次者遂遂定從於殿上

孟嘗

悅狡兔三窟賴馮諼

齊賢曰史記孟嘗使馮諼收責於薛諼矯以賜諸民因燒其券長驅

到齊孟嘗君見之曰責畢收乎曰收畢矣以何市而反
諷曰君云視吾家所寡有者臣竊計君所寡者義耳竊
以為君市義君不說昔年孟嘗君就國於薛民扶老攜
幼迎君道中君顧馮諼曰先生所為大市義者乃今日
見之諷曰狡兔有三窟僅得免其死今君有一窟未得
高枕而卧也請為君復鑿二窟乃西游梁謂惠王曰齊
放孟嘗君諸侯先迎之國富而兵強於是惠王遣使聘
孟嘗君梁使三反齊王聞之遣太傅謝君曰寡人不祥
沉於諂諛之臣開罪於君寡人不足為也願君顧先王
之宗廟反國統萬人乎諷戒君曰願請先王之祭器立
宗廟於薛廟成還報君曰三窟已就君姑高枕
為樂矣君為相數十年無纖芥之禍諷之謀也

信陵奪

兵符為用侯生言

士贊曰史記魏公子無忌用侯生計矯晉鄙兵救趙事見三卷

春申

一何愚刎首為李園

齊賢曰史記楚人李園進女弟於春申君君即幸之知其有身園與

其女弟謀使說君曰今妾有身而人莫知誠以君之重
進妾於楚王王必幸妾賴天有子男則是君之子為王
也楚國盡可得君大然之乃出園女弟謹舍而言之楚
王王召入幸之遂生子男立為太子以園女弟為皇后
楚王貴李園園用事恐春申君語泄欲殺以滅口而國
人無有知者後楚考烈王卒李園果先入伏死士於棘
門之內春申君入棘門死士刺君斬其頭投之棘門外
使吏盡滅君之家而李園女弟所生子者遂立為幽王
賢哉四公子撫掌黃泉裏借問笑何人笑人不好士爾

去且勿誼桃李竟何言沙丘無漂母誰肯飯王孫

齊賢曰史

記沙丘在鉅鹿此沙丘當在魯韓信漂母事見前士贊
曰按此四句乃是總上之意蓋取平原孟嘗信陵得士
而用其言故卒能自保譏春申君不能用朱英之言而
卒受李園之禍故詩中有春申一何愚之語也國策曰

春申君相楚二十五年考烈王病朱英謂春申君曰世有無妄之福又有無妄之禍今君處無妄之世以事無妄之主安不有無妄之人乎春申君曰何謂曰君相楚二十餘年矣雖名為相國實楚王也五子皆相諸侯今王疾甚旦暮且崩太子衰弱疾而不起而君相少主因而代立當國如伊尹周公王長而反政不即遂南面稱孤因而有楚國此所謂無妄之福也李園國舅也不為將兵而陰養死士之日久矣楚王崩李園必先入據本謀制斷君命乘權而殺君以滅口此所謂無妄之禍也君先任臣為郎中王崩李園先入臣請為君刺其胃殺之此所謂無妄之人也春申君曰先生置之勿復言且李園軟弱人也僕又善之則何至此朱英恐乃亡去後十七日考烈王崩果罹其禍

單父東樓秋夜送族弟沈之秦

時凝弟
在席

爾從咸陽來問我何勞苦沐猴而冠不足言身騎土牛
滯東魯沈弟欲行凝弟留孤飛一鴈秦雲秋坐來黃葉
落四五北斗已掛西城樓絲桐感人絃亦絕滿堂送君
皆惜別卷簾見月清興來疑是山陰夜中雪明日斗酒
別惆悵清路塵遙望長安日不見長安人長安宮闕九
天上此地曾經為近臣一朝復一朝髮白心不改屈原
憔悴滯江潭亭伯流離放遼海折翮翻飛隨轉蓬聞弦
虛墜下霜空聖朝久棄青雲士他日誰憐張長公

齊賢曰
唐史太

白常供奉翰林故曰近臣士贊曰崔亭伯忤實憲
出為長岑事見十卷白此詩賸顧宗國之意深矣

送族弟凝至晏堦單父三十里

雪滿原野白戎裝出盤游揮鞭布獵騎四顧登高丘兔
起馬足間蒼鷹下平疇喧呼相馳逐取樂銷人憂捨此
戒禽荒微聲列齊謳鳴雞發晏堦別鴈驚淶溝西行有
東音寄與長河流

齊賢曰書盤游無度又曰
外作禽荒說文謳歌也

魯城北郭曲晉桑下送張子還嵩陽

送別枯桑下凋葉落半空我行憊道遠爾獨知天風誰

念張仲蔚還依蒿與蓬何時一杯酒更與李膺同

齊賢
曰三

輔新錄張仲蔚平陵人所居蓬蒿之下士贊
曰太白以仲蔚比張子而以李膺自比耳

李太白集分類補註卷十六

欽定四庫全書

李太白集分類補註卷十七

宋 楊齊賢 集註

元 蕭士贇 補註

送

送魯郡劉長史遷弘農長史

魯國一杯水難容橫海鱗仲尼且不敬況乃尋常人白
玉換斗粟黃金買尺薪閉門木葉下始覺秋非春

齊賢曰魯

人以仲尼為東家丘士贊曰張協詩尺蠖重尋桂紅粒貴璆瑤良曰蠹薪也紅粒米也一尺之薪價重於一尋之桂而米亦重於玉也淮南子曰一葉落而天下知秋聞君向西遷地即鼎湖鄰

寶鏡匣蒼蘇丹經埋素塵軒后上天時攀龍遺小臣及

此留惠愛庶幾風化淳

齊賢曰鼎湖小臣攀龍髯事見前

魯縞如白烟

五縑不成束臨行贈貧交一尺重山嶽相國齊晏子贈

行不及言託陰當樹李忘憂當樹萱他日見張祿緋袍

懷舊恩

齊賢曰孔安國曰鵠白縞子夏傳云五匹為束三玄二豔象陰陽家語孔子去周老子送之曰

富貴者送人以財仁者送人以言晉趙鞅謂陽虎曰樹桃李者夏得其休息秋得其實馬毛詩馬得萱草注萱

草令人忘憂張祿范曄
也綈袍戀戀事見前注

送族弟單父主簿凝攝宋城主簿至郭南月橋
却迴棲霞山留飲贈之

吾家青萍劍操割有餘閒往來糾二邑此去何時還鞍
馬月橋南光輝岐路間賢豪相追餞却到棲霞山羣花
散芳園斗酒開離顏樂酣相顧起征馬無由攀

齊賢曰
青萍劍

魯郡東石門送杜二甫

醉別復幾日登臨徧池臺何時石門路重有金樽開秋

波落泗水海色明徂徠飛蓬各自遠且盡手中杯

齊賢曰魯

郡有泗水縣徂徠山名士贊曰杜工部常有詩贈太白曰何時一樽酒重與細論文今觀此篇豈一時酬答之

耶

魯郡堯祠送張十四游河北

猛虎伏尺草雖藏難蔽身有如張公子骭髀在風塵豈

無橫腰劍屈彼淮陰人擊筑向北燕燕歌易水濱歸來

太山上當與爾為鄰

齊賢曰骭髀高亢貌直之貌淮陰少年侮韓信高漸離擊筑而歌送

荆卿易水
上事見前

杭州送裴大澤時赴廬州長史

西江天柱遠東越海門深去割辭親戀行憂報國心好

風吹落日流水引長吟五月披裘者應知不取金

齊賢曰文

穎曰天柱山在黟縣南杭州望海門三山隱隱可見嵇康高士傳披裘公者吳人延陵季子出游見道中有遺金時當五月見披裘負薪顧令取彼金公投鏹嗔曰五月披裘而負薪豈取金者哉季子大驚問其姓名公曰吾子皮相之士安足語姓名南史甄彬中山人常以一束苧就長沙寺質錢後取苧中得五兩金送還寺道人以半酬彬彬不受謂曰五月披

羊裘而負薪豈拾遺金者耶

灞陵行送別

送君灞陵亭灞水流浩浩上有無花之古樹下有傷心
之春草我向秦人問路歧云是王粲南登之古道古道
連綿走西京紫闕落日浮雲生正當今夕斷腸處黃鸝
愁絕不忍聽

齊賢曰灞陵見前王粲山陽人獻帝西遷從至長安以西京擾亂乃之荊州依劉表

登荊州城樓作賦以寄意

送賀監歸四明應制

久辭榮祿遂初衣曾向長生說息機真訣自從茅氏得

恩波應阻洞庭歸瑤臺含霧星辰滿仙嶠浮空島嶼微

借問欲棲珠樹鶴何年却向帝城飛

齊賢曰賀知章遷秘書監天寶中疾

夢游帝居乃請為道士還鄉里詔許之以宅為千秋宮而居又求周宮湖數頃為放生池賜鏡湖剡溪一曲既行帝賜詩皇太子百官餞送神仙傳茅濛字初成師鬼谷先生受長生之術神丹之方入華山修道煉藥乘雲駕龍白日昇天淮南子崑崙中有層城兩重珠樹玉樹

送竇司馬貶宜春

天馬白銀鞍親承明主歡鬪雞金宮裏射鴈碧雲端
上羅中貴歌鐘清夜闌何年謫南國拂劍坐長嘆趙壁

為誰玷隋珠枉被彈聖朝多雨露莫厭此行難

齊賢曰史秦既

得趙璧無意與城蘭相如詒之曰此璧有瑕以歸說苑
隋侯之珠用之彈雀不如泥凡士贊曰聖朝多雨露即
唐書制曰朕以恩澤
者帝王之雨露之意

送羽林陶將軍

將軍出使擁樓船江上旌旗拂紫烟萬里橫戈探虎穴

三杯拔劍舞龍泉莫道詞人無膽氣臨行將贈繞朝鞭

齊賢曰唐志左右羽林軍大將軍各一人正三品將軍
各三人從二品掌統出衙禁兵督攝左右廂飛騎儀仗
大朝會則周衛階陛巡幸則夾馳道為內仗周禮熊
虎為旗析羽為旌龍泉劍名士贊曰詞人太白自稱

送程劉二侍郎兼獨孤判官赴安西幕府

安西幕府多材雄喧喧唯道三數公綉衣貂裘明積雪

飛書走檄如飄風朝辭明主出紫宮銀鞍送別金城空

齊賢曰唐志安西都護府治泗州後徙治高昌故地又徙治龜茲都督府而故府復為西州師古曰幕府以軍幕為義軍旅無常居止故以帳幕言之說文檄尺二書也師古曰為檄文馳以示遠所天外飛霜

下葱海火旗雲馬生光彩胡塞清塵幾日歸漢家草綠

遙相待

齊賢曰西河舊事云葱嶺其山高丈上悉生蔥故以名考工記龍旂九丈以象大火鳥旗七旂

以象鵠火大火蒼龍宿之心鵠火朱鳥宿之柳

送姪良攜二妓赴會稽戲有此贈

攜妓東山去春光半道催遙看若桃李雙入鏡中開

齊賢

曰王羲之云每行山陰道上如鏡中士贊曰謝安攜妓東山事見前

送賀賓客歸越

鏡湖流水漾清波狂客歸舟逸興多山陰道士如相見

應寫黃庭換白鵝

齊賢曰賀知章自號四明狂客山陰道士養鵝羲之往觀意說道士云寫

道德經當舉羣相贈羲之欣然寫畢籠鵝而歸

送張遙之壽陽幕府

壽陽信天險天險橫荆關符堅百萬衆遙阻八公山不
假築長城大賢在其間戰夫若熊虎破敵有餘閒張子
勇且英少輕衛霍屢投軀紫髯將千里望風顏勗爾效

才略功成衣錦還

齊賢曰壽春縣屬九江東晉以鄭皇后諱改壽陽八公山一名肥陵山在

壽春縣北四里獻帝春秋張遼問吳降人向有紫髯將軍上長下短便馬善射是誰曰孫會稽士贇曰符堅兵敗見八公山草木皆晉兵事見前卷衛青霍去病皆漢名將孟康曰冀州人謂懦弱為屢

送裴十八圖南歸嵩山二首

何處可為別長安青綺門胡姬招素手延客醉金樽臨

當上馬時我獨與君言風吹芳蘭折日沒烏雀喧舉手

指飛鴻此情難具論同歸無早晚潁水有清源

齊賢曰
長安霸

城門曰
青門

其二

君思潁水綠忽復歸嵩岑歸時莫洗耳為我洗其心洗

心得真情洗耳徒買名謝公終一起相與濟蒼生

齊賢
曰巢

父洗耳事見前晉書曰
安石不起當如蒼生何

同王昌齡送族弟襄歸桂陽二首

秦地見碧草楚謠對清樽把酒爾何思鷓鴣啼南園余
欲羅浮隱猶懷明主恩躊躇紫宮戀孤負滄洲言終然
無心雲海上同飛翻相期乃不淺幽桂有芳根

齊賢曰南越志

鷓鴣雖東西迴翔然開翅之始必先南翥士贇曰細味此詩非一飯不忘君者乎議者何厚誣太白不如杜哉

其二

爾家何在瀟湘川青莎白石長江邊昨夢江花報江國
幾枝正發東牕前覺來欲往心悠然魂隨越鳥飛南天
秦雲連山海相接桂水橫烟不可涉送君此去令人愁

風帆茫茫隔河洲春潭瓊草綠可折西寄長安明月樓

送外甥鄭灌從軍三首

六博爭雄好彩來金盤一擲萬人開丈夫賭命報天子

當斬胡頭衣錦迴

士贊曰篋藏
象牀有六博

其二

丈八蛇矛出隴西彎弧拂箭白猿啼破胡必用龍韜策

積甲應將熊耳齊

齊賢曰晉記陳安敗死隴上人歌曰
丈八蛇矛左右盤十盪十決無當前

淮南子楚王有白猿使養由基射之矯矢未發而猿擁
樹號矣太公六韜有龍韜光武降赤眉於宜陽積兵甲

宜陽城西與

熊耳山齊

其三

月蝕西方破敵時及瓜歸日未應遲斬胡血變黃河水

梟首當懸白鵲旗

齊賢曰酉陽雜俎云李太白聞祿山反作胡無人詩曰太白八月敵可摧後

祿山死日果見太白蝕月

送于十八應四子舉落第還嵩山

吾祖吹橐籥天人信森羅歸根復太素羣動熙元和
炎四真人摛辨若濤波交流無時寂楊墨日成科夫子

聞洛誦誇才才故多為金好踊躍久客方蹉跎道可束
賣之五寶溢山河勸君還嵩丘開酌盼庭柯三花如未

落乘興一來過

齊賢曰吾祖老子也老子云天地之間其猶橐籥乎又云萬物絃絃各復其根

歸根曰靜莊子云何謂真人古之真人登高不慄入水不濡入火不熱士贊曰三花聚頂五氣朝元道家修養法也三花落則死矣三花未落乘興來過言有生之年未死之日猶有再會之期也

送別

尋陽五溪水汭洞直入巫山裏勝境由來人共傳君到
南中自稱美送君別有八月秋颯颯蘆花復益愁雲帆

望遠不相見日暮長江空自流

齊賢曰江賦註逆流而上曰汭泗順流而下曰

沿泗士贊曰尋陽五溪水汭泗直入巫山東者詩意謂由尋陽上五溪水入巫山也巫山界于夔峽二州之間峽有青溪赤溪綠蘿溪滄茫溪姜詩溪為峽之五溪故送別者由九江徑之三峽而入巫山也

送族弟綰從軍安西

漢家兵馬乘北風鼓行而西破犬戎爾隨漢將出門去

剪虜若草收奇功君王按劍望邊邑旄頭已落胡天空

匈奴繫頸數應盡明年應入蒲萄宮

齊賢曰漢元壽三年單于來朝舍之

工林苑
蒲萄宮

送梁公昌從信安北征

入幕推英選，捐書事遠戎。
高談百戰術，鬱作萬夫雄。
起舞蓮花劍，行歌明月宮。
將飛天地陣，兵出塞垣通。
祖席

留丹景，征麾拂彩虹。
旋應獻凱入，麟閣佇深功。

齊賢曰：晉灼曰：

古長劍首以玉作井鹿盧形，上刻木作山形，如蓮花初生，未數時，虎韜武王問太公曰：凡用兵為天陣、地陣、人陣、奈何？太公曰：日月星辰斗杓一左一右，一向一背，此為天陣；丘陵水泉亦有前後左右之利，此為地陣；用車用馬，用文用武，此謂人陣。古今註塞者，所以壅塞夷狄風俗，通云共工氏子好遠游，故祀以為祖。神祖，祖也。古

今註：麾，所以指麾；武王秉白旄以麾，是也。丹景，日也。周官大司樂三軍大獻，則鼓其凱樂。凱歌，大司馬出師有

功則凱樂
獻于社

送白利從金吾董將軍西征

西羌延國討，白起佐軍威。
劒決浮雲氣，弓彎明月輝。
馬

行邊草，綠旌卷曙霜。
飛抗手凜相顧，寒風生鐵衣。

齊賢曰：漢

有東羌、西羌、西羌本出三苗，羌姓之別。其國近南岳及
舜流之三危，河關之西南，羌地是也。史記：白起，郿人，善
用兵，事秦昭王，為武安君。

送張秀才從軍

六駁食猛虎，恥從驚馬羣。
一朝長鳴去，矯若龍行雲。
壯

士懷遠略志存解世紛周粟猶不顧齊珪安肯分抱劒
辭高堂將投崔冠軍長策掃河洛寧親歸汝墳當令千

古後麟閣著奇勲

齊賢曰毛萇曰駁如馬鋸牙食虎豹史記武王平殷伯夷叔齊不食周粟

隱于首陽山師古曰冠軍言其在諸軍之上時祿山思明據洛陽汝墳箋云墳涯也

送崔度還吳度故人禮部員外輔國之子

幽燕沙雪地萬里盡黃雲朝吹歸秋鴈南飛日幾羣中
有孤鳳雛哀鳴九天聞我乃重比鳥綵章五色分胡為
雜凡禽雞鶩輕賤君舉手捧爾足疾心若火焚拂羽淚

滿面送之吳江濱去影忽不見躊躇日將曛

齊賢曰唐
幽州范陽

郡幽都縣武德元年為燕州東觀記鳳
高八尺五彩士贊曰周禮水涯曰濱

送祝八之江東賦得浣紗石

西施越溪女明艷光雲海未入吳王宮殿時浣紗古石
今猶在桃李新開映古查菖蒲猶短出平沙昔時紅粉
照流水今日青苔覆落花君去西秦適東越碧山青江
幾超忽若到天涯思故人浣溪石上窺明月

齊賢曰西
施浣紗石

見前

送侯十一

朱亥已擊晉侯嬴尚隱身時無魏公子豈貴抱關人余亦不火食游梁同在陳空餘湛盧劍贈爾託交親

齊賢曰湛

盧劍閭閻所造

魯中送二從弟赴舉之西京

魯客向西笑君門若夢中霜凋逐臣髮日憶明光宮復美二龍去才華冠世雄平衢騁高足逸翰凌長風舞袖拂秋月歌筵聞早鴻送君日千里良會何由同

齊賢曰三輔舊

事云桂宮內有明光殿爾雅四達謂之衢士贇曰後漢許幼字子將與兄虔並知名汝南人稱平與淵有二龍

奉餞高尊師如貴道士傳道錄畢歸北海

道隱不可見靈書藏洞天吾師四萬劫歷世遞相傳別

杖留青竹行歌躡紫烟離心無遠近長在玉京懸

齊賢曰神

仙傳壺公謂費長房曰我某日去卿能去乎曰欲親睿不知其去有何計公乃取一青竹杖與長房曰卿以竹杖歸家便可稱病以此竹杖置卧處默然便來房如公言去後家人見房死尸在牀哭葬之及歸公又與竹杖曰但騎此得到家房騎竹杖辭去忽如睡覺已到家視之乃青龍也士贇曰老子云道隱無名道經有靈書二十四事乃老君授青童大君者

金陵送張十一再游東吳

張翰黃花句風流五百年誰人今繼作夫子世稱賢再
動游吳棹還浮入海船春光白門柳霞色赤城天去國
難為別思歸各未旋空餘賈生淚相顧共悽然

齊賢曰
張翰字

季鷹吳人詩曰青條若總翠
黃花如散金白門赤城見前

送紀秀才游越

海水不滿眼觀濤難稱心即知蓬萊石却是巨鼇簪送
爾游華頂令余發烏吟仙人居射的道士住山陰禹穴

尋溪入雲門隔嶺深綠蘿秋月夜相憶在鳴琴

齊賢曰孔靈符

會稽記射的山南有白鶴山此鶴為仙人取箭張晏曰禹巡狩至會稽而崩因葬焉上有禹穴民間云禹入此穴若耶溪雲門寺在越州會稽縣南齊何允嘗游焉

送長沙陳太守二首

長沙陳太守逸氣凌青松英主賜五馬本是天池龍湘水迴九曲衡山望五峯榮君按節去不及遠相從

齊賢曰漢

嚴太守五馬周禮馬八尺以上為龍士贊曰統曰青松喻真性也師古曰案節猶弭節也

其二

七郡長沙國南連湘水濱定王垂舞袖地窄不迴身莫

小二千石當安遠俗人洞庭鄉路遠遙羨錦衣春

齊賢曰唐

志潭州長沙郡衡州衡陽郡永州零陵郡道州江華郡
郴州桂陽郡邵州邵陽郡止六郡湘水見前註漢書長
沙定王發母唐姬故程姬侍者景帝召程姬程姬有所
避不願進而飾侍者唐兒使夜進上醉不知以為程姬
而幸之生子因名發以母微而無寵故王卑濕貧國應
劬曰景帝後二年諸王來朝有詔更前稱壽歌舞定王
但張腰小舉手左右笑其拙上怪問之對曰臣國小地
狹不足回旋帝乃以武陵零陵桂陽益馬漢志秦郡守
秩二千石漢中二千石二千石皆皂蓋朱兩幘師古曰
中二千石實得二千石也中之為言滿也月得一百八
十斛為一歲凡得二千一百
六十石言二千者舉成數也

送楊燕之東魯

關西楊伯起漢日舊稱賢四代三公族清風播人天夫

子華陰居開門對玉蓮何事歷衡霍雲帆今始還

齊賢曰楊

震字伯起號關西夫子延光二年為太尉震子秉延熹五年代劉矩為太尉帝賜字伯獻熹平二年代唐珍為

司空後拜太尉子彪字文先光和六年代董卓為司空其冬代黃琬為司徒彪傳云自震至彪四世太尉德業

相繼則五公當為三公今釐正之華山記山頂有池生千葉蓮花服之羽化因名華山山有蓮花峯士贊曰衡

山記衡山南嶽也至黃帝乃以瀟霍一山為副

君坐稍解顏為我歌此篇我固

侯門士謬登聖主筵一醉金華殿踴躍長江邊二子魯

門東別來已經年因君此中去不覺淚如泉

送蔡山人

我本不棄世世人自棄我一乘無倪舟八極縱遠施燕
客期躍馬唐生安敢譏採珠勿驚龍大道可暗歸故山

有松月遲爾翫清暉

齊賢曰史記蔡澤燕人從唐舉相唐舉熟視而笑曰先生昂鼻巨肩

魁顏覺髑膝摩吾閭聖人不相殆先生手蔡澤知唐舉戲之乃曰富貴吾所自有所不知者壽也舉曰先生之壽從今以往者四十三歲澤笑談而去謂御者曰吾持梁刺齒躍肥馬疾驅懷黃金之印結紫綬於腰揖讓人主之前食肉富貴四十年足矣

送蕭三十一之魯中兼問稚子伯禽

六月南風吹白沙
吳牛喘月氣成霞
水國鬱蒸不可處
時炎道遠無行車
夫子如何涉江路
雲帆嫋嫋金陵去
高堂倚門望伯魚
魯中正是趨庭處
我家寄在沙丘傍
三年不歸空斷腸
君行既識伯禽子
應駕小車騎白羊

齊賢曰孔鯉字伯魚論語他日又獨立鯉趨而過庭

送楊山人歸嵩山

我有萬古宅嵩陽
玉女峯長留一片月
挂在東溪松爾

去掇仙草菖蒲花紫茸

一作君行到此
峯陰霞駐衰容

歲晚或相訪青

天騎白龍

齊賢曰嵩山有玉女峯神仙傳漢武帝嵩山
登大愚石起道宮使董仲舒東方朔等齋潔

求神至夜忽見仙人帶禮而問之仙人曰吾九疑之人
聞中岳石上菖蒲一寸九節可以服之長生故來采耳
忽失神人所在帝顧侍臣曰彼非學道服食者必中岳
之神以喻朕耳為之采菖蒲服之其時從官多服然莫
能持久唯帝乃采服
之不息遂得長生

送殷淑三首

海水不可解連江夜為潮俄然浦嶼闊岸去酒船遙惜

別耐取醉鳴榔且長謠天明爾當去應便有風飄

齊賢曰柳

漁人所
擊板也

其二

白鷺州前月天明送客迴青龍山後日早出海雲來流
水無情去征帆逐吹開相看不忍別更進手中杯

齊賢曰史

正志碑秦淮與外
江夾一州曰白鷺

其三

痛飲龍筇下燈青月復寒醉歌驚白鷺半夜起沙灘

送岑徵君歸鳴皋山

岑公相門子雅望歸安石奕世皆夔龍中台竟三折至
人達機兆高揖九州伯奈何天地間而作隱淪客貴道
能全真潛輝卧幽鱗探元入宵默觀化游無垠

齊賢曰
孟嘗君

曰將門必有將相門必有相晉謝安字安石少有重名
奕世累世也桓譚新論曰天下神人五一曰神仙二曰
隱淪光武有天下嚴陵為故人雖登洛陽殿不屈巢由身

余亦謝明主今稱偃蹇臣登高覺萬古思與廣成鄰蹈

海寧受賞還山非問津西來一搖扇共拂元規塵

齊賢曰王

導傳庾亮據上流擁強兵導力不能平嘗
遇西風塵起舉扇自蔽徐曰元規塵汚人

送范山人歸太山

魯客抱白鶴

一作雞

別余往泰山初行若片雲

一作雪

杳在

青崖間高高至天門日觀

一作海日

近可攀雲山望不及此

去何時還

士贊曰泰山記泰山盤道屈曲而上凡五十餘盤經小天門大天門西岩為仙人石門東

岩為介丘東
南岩名日觀

李太白集分類補註卷十七